

## Cawangan KFC ke-700 di Bandar Sri Sendayan



**Creed (dua dari kanan)** bersalaman dengan Tian Hock pada majlis pelancaran cawangan KFC ke-700 di Bandar Sri Sendayan, Seremban.

[ FOTO IQMAL HAQIM ROSMAN / BH ]

KFC Malaysia dan Matrix Concepts Holdings Bhd mempertimbangkan kemungkinan untuk membuka lebih banyak cawangan KFC di Bandar Sri Sendayan pada masa akan datang, berikutan kejayaan pelancaran dan pembukaan cawangan pertama di bandar itu, semalam.

Pengarah Urusan QSR Brands (M) Holdings Bhd, Datuk Seri Mohamed Azahari Kamil, berkata berdasarkan sambutan yang menggalakkan sejak dibuka pada 1 September lalu, pihaknya yakin pembukaan beberapa cawangan baharu di situ pada masa akan datang dapat menampung permintaan penduduk yang semakin meningkat.

"Kami sangat gembira dan berbesar hati dapat bekerjasama dengan Matrix dan sudah pasti kami ingin teruskan kerjasama pada masa akan datang. Kami percaya peningkatan bilangan pendu-

duk di sini menyumbang kepada permintaan yang tinggi terhadap KFC.

"Kami membuka 21 cawangan KFC baharu di seluruh negara daripada 23 yang kami sarankan pada tahun ini. Walaupun dengan perubahan kerajaan, perniagaan masih berjalan seperti biasa dan setakat ini impaknya sangat positif kerana kami menawarkan harga makanan yang berpatutan dan kami percaya ia akan menarik lebih ramai pelanggan," katanya.

Beliau berkata demikian ketika ditemui selepas pelancaran cawangan KFC ke-700 di Bandar Sri Sendayan, Seremban, yang dirasmikan Ketua Pegawai Eksekutif Yum! Brands Inc, Greg Creed.

Turut hadir Pengerusi QSR Brands, Datuk Kamaruzzaman Abu Kassim dan Pengarah Urusan Kumpulan Matrix Concepts Hol-

dings Bhd, Datuk Lee Tian Hock.

### Beroperasi 24 jam

Restoran KFC yang beroperasi selama 24 jam itu dapat menampung 170 pelanggan pada satu-satu masa, turut dilengkapi dengan kemudahan pandu lalu.

Dibina di atas tanah seluas 0.4 hektar di Sendayan Metro Park, cawangan itu dibina dengan teknologi mesra alam dan penjimatan tenaga, termasuk sistem pengumpulan air hujan, pencahayaan LED, tiub lampu solar, lampu sensor gerakan dan kaca beremesi rendah sebagai sebahagian daripada tanggungjawab syarikat terhadap alam sekitar.

Tian Hock berkata, syarikat itu menyasarkan untuk membuka sekurang-kurangnya empat lagi restoran KFC di Bandar Sri Sendayan, dengan penduduk di bandar moden itu dijangka mencapai 120,000 orang pada masa akan datang.